



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Speciale Privilegium Cæsareum.

**urn:nbn:de:hbz:466:1-42634**



SPECIALE  
PRIVILEGIUM CÆSAREUM.

**J**OSEPHUS Divinâ favente Cle-  
mentiâ Electus Romanorum Impe-  
rator semper Augustus , ac Germa-  
niæ , Hungariæ , Bohemiæ , Dalmatiæ ,  
Croatia , Schlavonia &c. Rex , Archi-  
dux Austria , Dux Burgundiæ , Styriæ ,  
Carinthiæ , Carniolæ , & Wirtembergæ ,  
Comes Tyrolis. Agnoscimus & notum  
facimus , tenore præsentium , universis ;  
quòd cum nobis noster & sacri Imperii  
fidelis dilectus **SERVATIUS**  
**NOETHEN** Bibliopola Coloniensis  
humillimè exposuerit à P: P: Societatis  
**JESU** , Provinciæ Rhenanæ inferio-  
ris sibi factam esse potestatem typis ex-  
cudendi librum in omni forma cui titu-  
lus est , *Theologia moralis antehac ex pro-  
batis auctoris breviter concinnata à P:*  
*HERMANNO BYSENB AVM Societatis JESU ,*  
*S: S: tæ Theologiae Licentiato , nunc pluribus*  
*partibus aucta à P. CLAVDIO LA CROIX*  
*ejusdem Societatis in universitate Coloniensi*  
*S: S: tæ*



*S: S: ta Theologia Doctore & Professore  
publico;* vereri autem, ne, quòd tæpius  
contingat, æmulorum fraude, qui edi-  
tionem istam imitentur, impendii sui  
fructu destituatur, ac propterea suppli-  
caverit, ut sibi contra ejusmodi fraudes  
privilegio nostro Cæsareo, ad decem an-  
nos prospicere dignaremur: Nos sub-  
missæ huic petitioni benignè annueri-  
mus, ac proinde omnibus & singulis Ty-  
pographis, Bibliopolis & Bibliopegis  
aliisque quibuscunque librariam nego-  
tiationem exercentibus firmiter, serióq;  
inhibuerimus, & vetuerimus, prout hisce  
inhibemus & vetamus, ne quis dictum li-  
brum per decennium, ab hodierno die  
computandum, in Sacro Romano Impe-  
rio, Regnorumque & Provinciarum  
Nostrarum hæreditariarum finibus; sub  
quocunque prætextu, sive in toto, sive in  
parte, mutatisve titulis recudere, vel aliò  
recudendum dare, alibi impressum ap-  
portare, vendere, vel distrahere clam vel  
palàm absque ipsius **SERVATII  
NOETHEN** expresso, & in scriptis  
obtento consensu præsumat, si quis verò  
secus faciendo, privilegium & interdi-  
ctum hoc Nostrum Cæsareum violare  
aut transgredi ausus fuerit, eum non mo-  
dò



dò ejusmodi libris, perperam quippe  
recufis & adductis (quos quidem Præfa-  
tus supplicans ubicunque deprehensos  
sive propriâ authoritate, sive Magistra-  
tûs auxilio sibi vindicare poterit) de facto  
privandum, sed & pœnâ insuper sex  
marcarum auri puri fisco Nostro & frau-  
dis vindici & prædicto supplicanti ex  
æquo pendendarum, omni spe veniæ  
sublatâ decernimus mulctandum, dum-  
modo tamen hujus privilegii Nostri Cæ-  
sarei tenorem pro publica notitia, atque  
cautela in fronte expressum adhibeat, &  
ejusmodi quinque exemplaria ad Can-  
cellariam Nostram Imperialem Auli-  
cam sumptibus impetrantis transmittan-  
tur. Mandamus proinde universis & sin-  
gulis Nostris & Sacri Imperii, Regno-  
rumque & Provinciarum Nostrarum  
hæreditariarum Subditis, cujuscunque  
statûs, gradus, ordinis, dignitatis, con-  
ditionis, aut præeminentiæ existant,  
tam Ecclesiasticis quam Sæcularibus,  
præsertim iis qui in Magistratu Consti-  
tuti, vel proprio vel Superiorum suorum  
Nomine vel loco, Juris & Justitiæ Ad-  
ministrationem exercent, ne quenquam  
privilegium hoc Nostrum Cæsareum  
temerè & impunè transgredi aut violare  
pati-



patiantur, quin potiùs contumaces, si quos compererint, præscripta pœna plecti, aliisque modis idoneis coercerent, quatenus & ipsi eandem multam evitare voluerint. Harum testimonio literarum manu Nostrâ subscriptarum, & sigilli nostri Cæsarei appensione munitarum, quæ dabantur in Civitate Nostra Viennæ decimâ quartâ die Martij, Anno Millesimo septingentesimo octavo, Regnorum Nostrorum, Romani decimo nono, Hungarici vigesimo primo, Bohemici verò tertio.

(L. S.)

JOSEPHUS

m. p.

V. Fredlar.

Com. de Schönborn

m. p.

Ad mandatum Sacræ Cæsareæ  
Majestatis proprium.

Lutzo Dolberg

m. p.